



Na osnovu Akta o povratu prava na suverenitet prave Bosne, Decretum 1. od 21. jula 2010, kao i međunarodnopravno jasne neodrživosti dosadašnjeg stanja nedobrovoljnog izvlaštenja suverena, kao i međunarodnopravno nejasne vladavine međunarodnog ugovora i posljedično očito vrlo teških uslova za život za većinu ljudi u našem društvu, a što je sve neobičnost za evropske tradicijske nacije, ovim preuzimam suverenitet prave Bosne, i donosim *ultra vires*:

## Akt o konstituisanju Kraljevine Bosne

### PODSJEĆAJUĆI VIJEĆE ZA IMPLEMENTACIJU MIRA NA UZURPACIJE SUVERENITETA:

- NA OSNOVU MEĐUNARODNOPRAVNIH PROPISA I OBIČAJNE PRAKSE, PROTEKLI SUVERENITETI POJEDINAČNIH SUVERENA DRUGIH ZEMALJA NAD PRAVOM BOSNOM ČINE NEPREKINUTI NIZ UZURPACIJÂ SUVERENITETA PRAVE BOSNE NJENOM MORALNO I PRAVNO-ČINJENIČNO NEPRAVEDNO IZVLAŠTENOM SUVERENU, GDJE JE PRAVA BOSNA U ZNAČENJU *TERRA NULLIUS IN DE JURE*, I
- PRAVA BOSNA JE SPRIJEČENA DA IMA SVOG NASLOVNOG DE JURE SUVERENA (KRALJA, PRETENDENTA, PREDSEDNIKA, PREMIJERA) OD VREMENA NASILNOG IZVLAŠTENJA REGICIDOM 1463. I 1535., FORMALNO-PRAVNO U KONTINUITETU OD USPOSTAVE PRVE OKUPACIONE ADMINISTRACIJE 1527. DO JULA O.G., GDJE PRAVO NA SUVERENITET NE ZASTARIJEVA DOK JE SUVERENITET UZURPIRAN, I
- NA SNAZI JE I SADA, OBJEKTIVNO I NEPREKIDNO, UZURPACIJA SUVERENITETA NEPRAVEDNO IZVLAŠTENOM SUVERENU PRAVE BOSNE OD STRANE SUVERENÂ ZEMALJA-ČLANICA VIJEĆA ZA IMPLEMENTACIJU MIRA; KAO I

### UZEVŠI U OBZIR OPŠTEPOZNATE DOKAZE NEADEKVATNOSTI DE FACTO STANJA:

- OPŠTU EKONOMSKU PROPALOST I ZAOSTALOST NAŠEG DRUŠTVA, I S TIM U VEZI DRAMATIČNU NEZAPOSLENOST I POSRNULOST U SVIM GENERACIJAMA, ŠTO JE DOVELO I DOVODI ZNAČAJNO VELIKI BROJ LJUDI U OSJEĆAJ BEZNAĐA,
- VISOKI STEPEN KRŠENJA I UGROŽAVANJA LJUDSKIH PRAVA I SLOBODA, I SVEPRISUTNI KRIMINAL, ŠTO TEŠKO UGROŽAVA SVE LJUDE I SVU IMOVINU,
- NESTABILNU SIGURNOSNU SITUACIJU S PRISUTNIM TERORISTIČKIM AKTIMA,
- NEADEKVATNO ZAKONODAVSTVO I NESUVISLO PONAŠANJE SUDSKE VLASTI,
- NEDOPUSTIVO ČESTO MEDIJSKI/AFERAŠKI EKSPONIRANO PRAVOSUĐE, KAO I NEPRIMJEREN ODNOS I INERTNOST PRAVOSUĐA PREMA HILJADAMA LICA UMIJEŠANIH U RATNE ZLOČINE ZA ŠTA POSTOJE DOKAZI ALI IH SE NE GONI,
- SVEPRISUTNU POJAVU POLITIČKE NEODGOVORNOSTI, VANSTATUTARNOSTI, NEOZBILJNOSTI, NEPOTIZMA, VOLUNTARIZMA, PROIZVOLJNOSTI, RASIPNIŠTVA, KORUPCIJE, KAO I BROJNE SKANDALE U VLASTI ALI I U DRUŠTVU INAČE,
- KAO I TO DA NI NA ISTEKU DRUGE DECENIJE DRAME, ZAPOČETE BALKANSKIM RATOVIMA 1991, JOŠ NI NA POMOLU NEMA TEMELJNOG RJEŠENJA POLITIČKE, EKONOMSKE I DRUŠTVENE SITUACIJE, DOK JE RAZOČARANOST SVEOPŠTA,

ŠTO UKUPNIM UČINKOM GRANIČI SA STANJEM ANARHIJE ILI OČEKIVANE ANARHIJE; I

### IMAJUĆI U VIDU OPŠTEPOZNATI ODNOS UZURPATORA SUVERENITETA DANAS, U KOM:

- SUVERENI ZEMALJA-ČLANICA VIJEĆA ZA IMPLEMENTACIJU MIRA NISU POKAZALI I NE POKAZUJU SPOSOBNOST ILI SPREMNOST U TOM VREMENU DA, KAO JEDINI UZURPATORI SUVERENITETA PRAVE BOSNE STANJE POPRAVE, UMJESTO TOGA SPRIJEČIVŠI LUSTRACIJU KOMUNISTIČKIH KADROVA KOJE SAMI I KONTROLIŠU;

# ODLUČUJEM KAO U DISPOZITIVU AKTA, I UTVRĐUJEM, TAKO NAM BOG POMOGAO

## I. UREĐENJE

### Član 1.

Prestaje uzurpacija suvereniteta prave Bosne od strane suverenâ zemalja-članica Vijeća za implementaciju mira. Vijeće za implementaciju mira će bezuslovno i u roku od 40 dana od dana donošenja ovog Akta izvršiti potpuni prenos suvereniteta prave Bosne sa suverenâ zemalja-članica Vijeća na ovdje novopravuilaštenog suverena.

Prestaju nadležnosti Vijeća za implementaciju mira, Visokog predstavnika, kao i svih tijela, organâ i predstavnika suverenâ zemalja-članica Vijeća, osim nadležnosti koje se očitó tiču osiguranja uslovâ za nesmetanu implementaciju ovog Akta kako je navedeno u završnim i prelaznim odredbama a s obzirom na međunarodnopravne standarde i preuzete obaveze Vijeća u očuvanju mira i stabilnosti u pravoj Bosni.

### Član 2.

Prestaje svoje pravno postojanje **Republika Bosna i Hercegovina** (u daljem tekstu: R BiH) kao i međunarodnopravno nejasna modifikacija njenog poretka utvrđena članom 1. Aneksa IV međunarodnog ugovora zaključenog 1995. u Daytonu, SAD, između R-e BiH i trećih zemalja, i formalno-pravno poznata kao "**Država Bosna i Hercegovina**" (u daljem tekstu: "D BiH").

### Član 3.

Nastaje povrat stanja na prethodni suvereni i rojalistički poredak **Kraljevine Bosne** (u daljem tekstu: Kraljevina) kao jedinstvene, nedjeljive, nezavisne, neutralne, pravedne i miroljubive nacije ravnopravnih i slobodnih ljudi.

### Član 4.

Kraljevinom suvereno vlada uvlaštení **suveren** odnosno **Kralj** odnosno **Kraljica**, koji/a se u pravnom značenju objedinjuje s pojmom rojalističke države (skraćeni naziv: **Kruna**), i koji se postavlja božijom voljom tj. direktnom tj. paternalnom tj. muškom nasljednom linijom u prečasnoj Bosanskoj Kraljevskoj Porodici – dinastiji Omerbašić Berislavić Nemanjić Boričević.

Pravilno oslovljavanje Kralja odnosno Kraljice je **Njegovo Kraljevsko Veličanstvo** odnosno **Njeno Kraljevsko Veličanstvo**, bez obzira je li titula stečena na način iz prethodnog stava ili brakom. Oblik množine je **Njihova Kraljevska Veličanstva**. Skraćeni oblik je uvijek **Nj.K.V.** Suveren ne dijeli suverenitet ni na koji način i ni sa kim, a naročito ne sa svojim supružnicima.

**Simboli suvereniteta** su: kraljevska kruna, kraljevsko žezlo i kraljevski pečat. Kruna je znak prisutnog, žezlo je znak odsustvujućeg ali zastupanog, a pečat je znak potpisanog suverena.

Pravno sjedište Krune naziva se **Bosanski Kraljevski Dvor** (ili samo: **Dvor**). Za privremeni Dvor određuju se kapaciteti dosadašnjeg Predsjedništva R-e BiH tj. "D-e BiH".

### Član 5.

Ukidaju se sljedeći subjekti "D-e BiH": Predsjedništvo, Vijeće ministara, Ustavni sud, Visoko sudsko i tužilačko vijeće, Centralna izborna komisija, Agencija za državnu službu i svi subjekti tzv. entitetskog i tzv. kantonalnog nivoa. Raspušta se Sud "D-e BiH" kao međunarodnopravno nejasan tj. neutemeljen u Ustavu R-e BiH i međunarodnom ugovoru iz člana 2. ovog Akta.

Poništavaju se sve odluke organâ tzv. entitetskog i tzv. kantonalnog nivoa, kao i stavljaju van snage do daljnjeg sve odluke organâ "D-e BiH" koje zadiru u nadležnosti suverena Kraljevine.

Kruna preuzima subjekte i kapacitete "D-e BiH", kao i subjekte i kapacitete R-e BiH koje je preuzela "D BiH", osim gdje je drugačije određeno ovim Aktom. Preuzimaju se i zakoni "D-e BiH" kao i zakoni R-e BiH koje je preuzela "D BiH", osim odredbi koje su u suprotnosti sa odredbama akata suverena. Zakoni Kraljevine odnose se prvo na državljane Kraljevine.

## Član 6.

Sva pokretna i nepokretna imovina Kraljevine bez obzira na teritorijalnost i sve druge vrste ograničenâ pripada Kruni. Građanskopravno vlasništvo podrazumijeva samo ulazak u posjed imovine koja je već u međunarodnompravnom vlasništvu Krune. Građanskopravne transakcije odvijaju se nesmetano kao i do sada, i oporezive su. Državni budžet naziva se **krunska kasa**.

Za de facto odvajanje dijela teritorije, ili za stavljanje dijela teritorije pod de jure suverenitet stranog suverena, ili za udruživanje u državne zajednice, neophodni su: odobrenje suverena Kraljevine i glasovi 4/5 svih državljana s pravom glasa na opštenarodnom referendumu. Svaki takav čin koji nije počinjen na prethodno opisani način smatraće se činom veleizdaje.

## Član 7.

Kraljevina preuzima obilježja R-e BiH kao pravno jasnije tvorevine od "D-e BiH": (a) zastavu i grb, te (b) himnu "Zemljo tisućljetna" u čijem tekstu se riječi "*Bosna i Hercegovina*" zamjenjuju riječima "*Bosna kraljevina*". Službeni jezik Kraljevine je **Bosanski**, a službeno pismo latinica.

Za nacionalnu valutu Kraljevine određuje se **1 Bosanska Kruna** (skraćeno: **1 BKr** ili **1 BKR**). Na reversu svakog primjerka iz svih emisija papirnatih i kovanih apoena nacionalne valute nalazi se kao dominirajući motiv lik Kralja ili Kraljice koji je suveren/a u vrijeme emisije, ili lik njegovog ili njenog prijestolonasljednika, uvijek u uspravnom profilu i s pogledom usmjerenim u lijevu stranu. Opticajne emisije svoje monete Kraljevina štampa isključivo na svojoj teritoriji.

## Član 8.

Državljanstvo Kraljevine stiče se rođenjem od najmanje jednog biološkog roditelja koji je u trenutku rođenja državljan/ka Kraljevine, i kada je ovako stečeno ne može se ukinuti osim dobrovoljno. Državljanstvo može dobiti maloljetni posvojenik čiji je najmanje jedan roditelj državljan/ka Kraljevine u trenutku posvojenja. Državljanstvo se može steći i brakom, i to nakon 2 (dvije) godine dokazanog zajedničkog života s državljan(k)om Kraljevine, i provjerene lojalnosti Kruni. Državljanstvo može dobiti i lice koje je porijeklom iz Kraljevine, ako mu je najmanje jedan od predaka zaključno s trećom generacijom ne računajući njega samog bio rođen na teritoriji Kraljevine bez obzira na tadašnje granice prave Bosne. Državljanstvo može dobiti i direktan živi potomak bilo koje generacije plemića koji je u svojoj porodici po direktnoj nasljednoj liniji bio prvouvlašteni u plemićko pravo na teritoriji prave Bosne i od strane njenog de jure suverena prije 1527.

Ukidaju se dosadašnji zakonski propisi koji su regulisali pitanja državljanstva. Lica koja su na dan donošenja ovog Akta imala državljanstvo "D BiH" su državljani Kraljevine po automatizmu i bez ograničenja. Lica rođena u pravoj Bosni odnosno Kraljevini, i ispisana iz državljanstva radi ostvarenja drugog prava njih samih ili njihovih roditelja, na lični zahtjev se ponovo i trajno uvode u državljanstvo, uz povrat novčane uplate koju su oni ili njihovi roditelji uplatili za ispis iz državljanstva. Državljanstvo ne podrazumijeva boravište u Kraljevini.

## Član 9.

Opšti popis stanovništva provodi se svakih pet godina, i o trošku je krunske kase. U okviru opštih popisa stanovništva dopušteno je izjašnjavanje grupne pripadnosti na nacionalnom, vjerskom ili drugom principu osim etničkog, onako kako odrede kvalifikovane institucije i za statističke i druge potrebe Krune. Ovo izjašnjavanje ne proizvodi pravne ili političke posljedice, osim grupne pripadnosti **Bosanac** za nacionalnu pripadnost naciji Kraljevine, odnosno bilo koje druge nacionalne odrednice za pripadnost nacionalnoj manjini Kraljevine. Smatraće se da su maloljetnici, lica od kojih se ne sakupe podaci, i inkapacitirana lica, svi po nacionalnoj pripadnosti Bosanci. U Kraljevini su priznate i zaštićene nacionalne manjine sa svim svojim pravima i obavezama, i prema najvišim međunarodnim standardima i praksi. Tačan engleski prevod nacionalne pripadnosti glasi **Bosnian**, i nema sinonima.

## Član 10.

Kruna garantuje najveća moguća ljudska i prava i slobode svim državljanima Kraljevine, sve dok ta prava i slobode ne ugrožavaju suverenitet Krune i opštu sigurnost, kao ni prava i slobode drugih lica i njihovu imovinu. U suprotnom može suveren na svoju diskreciju, ili može Kruna po presudi Vrhovnog Suda Kraljevine, uskratiti prava nekom fizičkom ili pravnom licu, osim gdje je drugačije određeno ovim Aktom. Kruna je naročito zaštitinik slobode govora.

Mijenjaju se sve odredbe svih zakonskih propisa koje uređuju način određivanja i vrste zakonskih sankcija, na način da se iznos svih novčanih sankcija množi sa 5 (pet), a trajanje svih vremenskih sankcija uključujući maksimalne množi sa 3 (tri). Te se mjere odnose i na predmete odnosno sankcije koje su u postupku odnosno u toku na dan donošenja ovog Akta.

#### Član 11.

Društveno uređenje Kraljevine je pravedno humanističko. Obrazovanje i zdravstvena zaštita su besplatni za sve državljane sa stalnim boravištem u Kraljevini. Sve troškove liječenja i zbrinjavanja životno ugrožavajućih medicinskih stanja koja se uspješno popravljaju u inostranstvu ali ne i u Kraljevini, snosi krunska kasa, u koje troškove ulaze i normalni troškovi za jednog pratioca. Porodiljsko bolovanje traje 18 (osamnaest) mjeseci i iznosi 150% bruto plate porodilje, obračunate kao i da radi, u kom iznosu ravnopravno učestvuju poslodavac i Kruna. Nezaposlenoj porodilji pripada naknada u visini 2 (dvije) plate prosječne za Kraljevinu u prethodnoj kalendarskoj godini.

Ekonomsko uređenje je uravnoteženo kapitalističko, gdje se balans odnosi na usklađenost ekonomskog sa društvenim uređenjem ali ne i obrnuto. Finansijske institucije mogu iznijeti iz Kraljevine do 10% godišnjeg profita. Zabranjuju se finansijsko i kreditno profiliranje fizičkih lica, kao i održavanje ili korištenje baza podataka te namjene. Sudovi se tokom kalendarske godine neće baviti dugovima fizičkih lica manjim od vrijednosti 5 (pet) neto plata prosječnih za Kraljevinu u prethodnoj godini. Nije dopuštena hipoteka na stambeni objekat. Državljan Kraljevine sa provedenih 50 godina na njenoj teritoriji, stiču pravo na minimalnu penziju sa navršanih 65 godina za muškarce odnosno 63 godine za žene. Penzije se isplaćuju iz krunske kase, a od dana proglašenja Kraljevine množe sa 2 (dva). Nedjelja je neradni dan.

#### Član 12.

Društvo je pod Krunom sekularno, i sve konfesije u društvu su ravnopravne. U obrazovnim ustanovama Kraljevine nije dopušteno ideološko ili vjersko podučavanje maloljetnika, a za tu namjenu privatne ustanove u Kraljevini moraju pribaviti saglasnost Kneževine podučavanja. Saglasnost važi do narednog opšteg popisa stanovništva, i obnavlja se kao da se traži nova.

#### Član 13.

Obrazovni sistem sastoji se iz obaveznih osmogodišnjeg osnovnog i četverogodišnjeg srednjeg obrazovanja, te dobrovoljnog visokog obrazovanja. Kruna garantuje dostupnost obrazovanja odnosno pristup vrhunskim uslovima za naučno istraživanje i usavršavanje svim građanima Kraljevine koji to žele i za to su kvalifikovani i posebno nadareni.

#### Član 14.

Kruna preuzima cjelovito međunarodne obaveze prethodnog poretka, osim onih koje nemaju međunarodnopravno jasnu osnovu, kao i onih koje su donijeli niži organi.

Kruna vodi miroljubivu vanjsku politiku. Priznajući značaj određenih promjena koje su tokom perioda izvlaštenja Krune nastale u geopolitičkom okruženju prave Bosne, te u tom smislu cijeneći i poštujući prava svojih susjeda i nemajući teritorijalnih aspiracija prema njima, Kruna preuzima vanjske teritorijalne granice R-e BiH. Kruna istovremeno naglašava da razgraničenje na moru sukscesijom od bivše Socijalističke Federativne Republike Jugoslavije (u daljem tekstu: SFRJ) do dana donošenja ovog Akta nije izvršeno iako su se zemlje nasljednice SFRJ na to obavezale. U sklopu preuzetih obaveza prethodnog poretka, Kruna stoga preuzima i obavezu da izvrši razgraničenje na Jadranskom moru.

#### Član 15.

Kao jedini, suvereni i novopravuovlašteni pravni nasljednici dinastije Nemanjić, prečasnica Bosanska Kraljevska Porodica i Kruna trajno odriču nasljedno krunsko pravo bilo kom članu bivše jugoslovenske odnosno srbijanske Kraljevske Porodice Karađorđević na suverenitet Bosne, Crne Gore, Hrvatske ili Srbije kao i na zajednicu bilo kojih od tih ili drugih zemalja.

Kruna izražava spremnost na ujedinjenje u državnu zajednicu sa nacijama: Albanijom, Crnom Gorom, Hrvatskom, Kosovom i Srbijom zajedno, ako se te zemlje povinuju suverenitetu Bosanske Kraljevske Porodice, usvoje načelo zabrane tajnog organizovanja i udruživanja, i provedu lustraciju koja će svojom suštinom biti identična lustraciji iz člana 21. ovog Akta.

## Član 16.

Teritorijalno je Kraljevina uređena na nacionalnom, kneževinskom i opštinskom nivou. **Kneževine** su: Krajina, Podrinje, Posavina, Semberija, Uskoplje, Vrhbosna i Zahumlje. Kneževine nisu federalne jedinice. Sjedišta Kneževina su: Banja Luka, Goražde, Bosanski Brod, Tuzla, Zenica, Sarajevo i Mostar, respektivno. Opštine su kao i u R-i BiH.

## Član 17.

Kraljevina ima vlastito teritorijalno more u reonu Neum-Klek, kao i neotuđivo pravo na izlaz u međunarodne vode. Fizička lica bez državljanstva Kraljevine, kao ni pravna lica sa očito inostranim sjedištem, ne mogu posjedovati zemljište u pojasu od 5 km od ove morske obale prema unutrašnjosti kopna, a prema pučini nikako. Reon je za Krunu od posebnog interesa.

## Član 18.

Ukida se Centralna banka "D BiH" i formira **Centralna Banka Kraljevine Bosne** (u daljem tekstu: CBKB) koja preuzima kapacitete ukinute Centralne banke.

Osniva se **Kraljevska Razvojna Banka** (u daljem tekstu: KRB). Kruna trajno povlači sva novčana i druga finansijska sredstva Kraljevine iz inostranstva, i deponuje ih na račun KRB. Novčana masa KRB je trajno na raspolaganju pojedinom državljanu Kraljevine s boravištem u Kraljevini, jednom u deset godina za male kredite za razvoj obrtništva, i to u iznosima do vrijednosti 50 (pedeset) neto plata prosječnih za Kraljevinu u prethodnoj kalendarskoj godini.

Ukupna izdvajanja poslodavca za sve vrste briga Krune iznose 25% neto plate po uposleniku. Poslodavci koji su pravna lica i koji tri mjeseca za redom ne uplate izdvajanja u krunsku kasu se likvidiraju, a sva njihova imovina prodaje i dijeli ravnopravno uposlenicima osim članovima uprave poslodavca. Sva privatna imovina članova uprave ovako likvidiranog poslodavca uključujući i imovinu članova uže porodice, kao i takva imovina poslodavca koji je fizičko lice, plijeni se, a iz ove mase se izmiruju sva dugovanja uposlenicima kao i svi troškovi Krune.

Uvodi se kupoprodajni porez na luksuz u iznosu od 20% za pokretna dobra pojedinačne vrijednosti preko 100 (stotinu) neto plata prosječnih za Kraljevinu u prethodnoj kalendarskoj godini. Ova se odredba primjenjuje retroaktivno od 14. decembra 1995. godine. Takva imovina za koju posjednik nema dokaza o vlasništvu, pripada Kruni.

## Član 19.

Ukida se Javni radio-televizijski servis "D BiH" i formira **Radio-Televizija Kraljevine Bosne** (u daljem tekstu: RTKB) koja preuzima kapacitete ukinutog servisa. RTKB emituje najmanje 50% programa domaće produkcije, dok je ostatak zastupljen ravnopravno po geografskom porijeklu većinskog producenta programa.

## Član 20.

Obustavlja se svaki angažman na tzv. "reformi državne imovine" i na restituciji, te s tim u vezi raspuštaju svi subjekti koji su do sada bili direktno uključeni u te procese ili bili nadležni isključivo za ove procese pojedinačno. Poništavaju se sve odluke svih subjekata u vezi s privatizacijom imovine, koje su donesene nakon 14. decembra 1995. godine, osim onih koje se odnose na stambena pitanja fizičkih lica koja su tako riješila svoje stambeno pitanje.

Ukida se Zemljišna knjiga, koju u potpunosti zamjenjuje sistem Katastra nekretnina iz R-e BiH i koji se ovim preimenuje u **Kraljevski Katastar**. Ukida se sistem javnog notarijata, i osniva se **Kraljevski Notarijat** koji preuzima kapacitete sistema javnog notarijata, pri čemu se cijene svih notarskih usluga dijele sa 2 (dva).

## Član 21.

Proglašava se opšta potpuna lustracija svih kadrova koji su na bilo koji način sarađivali sa vojnim ili policijskim obavještajnim strukturama Socijalističke Republike Bosne i Hercegovine (u daljem tekstu: SR BiH) ili SFRJ, kao i onih koji su, na bilo koji način i u vrijeme postojanja SR BiH i SFRJ, sarađivali ili sarađuju sa takvim inostranim strukturama tj. takvim strukturama drugih država.

Proglašava se opšta amnestija za lica iz prethodnog stava, od krivične odgovornosti za djela koja su počinila obavljajući svoju službenu dužnost u navedenim strukturama iz prethodnog stava, osim za lica koja su nakon prestanka postojanja SR BiH saradivala sa inostranim strukturama iz prethodnog stava. Ovakva lica, kao ni lica iz prethodnog stava, dodatno i trajno ne smiju obnašati bilo kakvu javnu ili drugu odgovornu funkciju u društvu, te trajno gube građansko pravo da budu birani na opštim i lokalnim izborima, i trajno im se zabranjuju licencirano bavljenje profesionalnim zanimanjem, rad u oblasti obrazovanja i bilo kakav rad s maloljetnicima.

## II. POREDAK

### Član 22.

Utvrđuje se parlamentarna austavna monarhija za pravni poredak Kraljevine. Izborni sistem u Kraljevini je matematički i odvija se u razvedenim dvogodišnjim ciklusima, sa opštim izborima svake parne godine, i lokalnim izborima svake neparne godine. Kraljevina čini jedinstvenu izbornu jedinicu. Kruna snosi troškove opštih višestranačkih izbora, a Kneževine troškove lokalnih višestranačkih izbora. Izabrani predstavnici ne primaju posebnu novčanu naknadu, osim za dodatne troškove kao i za nezaposlenost u kom slučaju primaju mjesečnu platu koja je prosječna u Kraljevini za prethodnu kalendarsku godinu. Pravo učešća na izborima i pravo da budu birani imaju punoljetni državljani Kraljevine, osim gdje je drugačije određeno aktima suverena. Punoljetna osoba je svako fizičko lice s navršenih 17 (sedamnaest) godina starosti.

Na lokalnim izborima biraju se Opštinska Vijeća, o čijem radu odlučuje svako Opštinsko Vijeće samostalno, a za pojedina pitanja od značaja za Krunu još i uz pribavljenu saglasnost čelnika Kneževine u kojoj se Opština nalazi. Opštinsko Vijeće popunjavaju predstavnici mjesnih zajednica koji su pobijedili na lokalnim višestranačkim izborima.

### Član 23.

Raspušta se Parlamentarna skupština "D-e BiH", usljed njene očite suprotnosti s odredbama ovog Akta. Svi njeni kapaciteti stavljaju se pod suverenitet Krune i preimenuju u **Parlament Kraljevine Bosne** (u daljem tekstu: Parlament). Parlament i Vlada čine zakonodavnu vlast za cijelu Kraljevinu, i to isključivo prenesenim nadležnostima koje je suveren svojom voljom i netrajno izuzeo iz vlastitog prava na suverenitet, i prenio potpuno ili djelimično na Organe.

Parlament popunjavaju najmanje 50% doktora nauka, pri čemu dodatnih 25% članova moraju do dana stupanja na poslaničku funkciju imati završeno visoko obrazovanje s ukupnim prosjekom studija od najmanje 8 (ili ekvivalent).

Parlament se sastoji iz tri doma: Predstavničkog, koji broji 250 članova, Plemičkog, koji broji 120 članova od kojih 60 nasljednih, te Akademskog, u čiji sastav ulaze svi puni članovi **Kraljevske Akademije Nauka**, a koja se osniva posebnim aktom suverena. Nadležnosti Predstavničkog doma su sveobuhvatne, dok su nadležnosti Plemičkog i Akademskog doma u strateškim te pitanjima suvereniteta, integriteta i nezavisnosti Kraljevine. Sve odluke iz nadležnosti odgovarajućih domova moraju biti potvrđene u svim takvim domovima. Nakon usvajanja odluke u Parlamentu, istu odluku mora potpisati suveren, čime ta odluka stupa na snagu. Ako suveren odbije potpisati odluku Parlamenta, ista se vraća u parlamentarnu proceduru kao da u njoj nije nikad ni bila. Suveren Kraljevine ne mora obrazlagati svoju odluku o davanju ili uskraćivanju saglasnosti, ali je dužan primiti predstavnike Parlamenta na konsultacije o saglasnosti. Načini, obim i izvori finansiranja krunske kase, kao i sva pitanja iz nadležnosti Plemičkog i Akademskog doma, utvrđuju se dvotrećinskom većinom. Suveren Kraljevine može raspustiti Parlament i raspisati izbore iz bilo kog razloga, i nije dužan obrazložiti odluku o raspuštanju Parlamenta Kraljevine.

### Član 24.

Izvršnu vlast vrši samostalno **Vlada Kraljevine Bosne**, kojom rukovodi mandatar tj. **Premijer Kraljevine Bosne**. Premijer sastavlja i saopštava sastav svoje Vlade najdalje 15 dana po objavljivanju konačnih rezultata opštih izbora, i stupa na dužnost 30-og dana od dana opštih izbora. Premijer između imenovanih ministara bira dvoje **Potprijemijera Vlade**. Premijer može podnijeti ostavku suverenu Kraljevine bilo kada u toku svog mandata, i to obrazlaže. Odluku o

prihvatanju ili neprihvatanju ostavke suveren nije dužan obrazložiti. Prihvaćena ostavka znači **pad Vlade**. Suveren u roku od 7 dana po padu Vlade imenuje novog mandatara. Dok naredna Vlada ne stupi na dužnost, prethodna Vlada obavlja **tehnički mandat** tj. bez učešća u suverenim zakonodavnim nadležnostima Krune. Suveren može na svoju diskreciju raspustiti Vladu i takvu odluku nije dužan obrazložiti. Rad Vlade se uređuje Zakonom o Vladi.

#### Član 25.

Premijer i najmanje jedan Potpremijer moraju imati naučni stepen doktora nauka i najmanje 20 godina radnog iskustva, od čega 10 godina na složenim organizacionim, privrednim ili naučnim zadacima. Tri četvrtine ministara u Vladi moraju imati naučni stepen doktora ili magistra nauka iz oblasti srodne problematici resora na čije čelo se postavljaju, a ostatak ministara moraju imati univerzitetsko obrazovanje iz oblasti srodne problematici resora na čije čelo se postavljaju, ukupan prosjek studija od najmanje 8 (ili ekvivalent) i najmanje 10 godina radnog iskustva od čega 5 godina na složenim organizacionim ili privrednim zadacima.

#### Član 26.

Vlada Kraljevine ima dvadeset i pet resora:

- administracije,
- unutrašnjih poslova,
- odbrane,
- pravosuđa,
- energetike,
- prostora i resursâ,
- razvoja,
- saobraćaja,
- nauke i visokog obrazovanja,
- školstva,
- ekonomije,
- reparacija,
- trgovine,
- turizma,
- rada,
- socijalne brige,
- informacija,
- šumarstva,
- agronomije,
- demografije,
- sporta i mladih,
- zdravstva,
- kulture,
- nasljeđa,
- dijaspore i izbjeglica.

#### Član 27.

Kneževine imaju dvodomne **Kneževinske Skupštine** koje se sastoje iz **Narodnog Vijeća** i **Plemićkog Vijeća**. Narodno Vijeće se bira na lokalnim višestranačkim izborima i ima 50 članova. Plemićko Vijeće čine 20 plemića od kojih 10 nasljednih. Skupština svoje odluke donosi konsenzusom na zajedničkim sjednicama oba Vijeća, pod predsjedavanjem predsjedavajućeg Narodnog Vijeća kog u vođenju sjednica zamjenjuje potpredsjedavajući Plemićkog Vijeća. Kneževinska Skupština obavlja izvršnu vlast na teritoriji svoje Kneževine iz kneževinskih nadležnosti.

Plemićkim Vijećem predsjedava **Vojvoda Kneževine**. Dok obnašaju ovu funkciju, Vojvode čine **Krunsko Vijeće** kao savjetodavni Organ suverena. Krunskim Vijećem predsjedava suveren u svojstvu **Nadvojvode Bosanskog**. Suveren na vlastitu diskreciju može u Vijeće imenovati i druga lica od ugleda i znanja kao i imenovati drugog višeg plemića za Nadvojvodu Bosanskog, koji onda i predsjedava Vijećem. Sekretar Krunskog Vijeća nosi titulu **Čuvar Kraljevskog Pečata**, i ova funkcija odnosno titula mogu biti nasljedne, o čemu odlučuje Nadvojvoda Bosanski.

## Član 28.

**Plemstvo** je sveobuhvatni oblik iskazivanja zahvalnosti Krune pojedincu za njegove najviše zasluge u očuvanju ili jačanju Kraljevine i suvereniteta Krune, često u presudnim trenucima za Kraljevinu. Proizvođenjem takvog pojedinca u **plemića**, Kruna iskazuje svoje potpuno povjerenje u tog pojedinca i njegove potomke i spremnost Krune da prvenstveno sa osobama provjerenog patriotizma dijeli vlast i zajednički određuje sudbinu naroda u najplemenitijem smjeru od svih, onom usmjerenom ka zaštiti i napretku zajednice kao takve.

Plemstvo se obično sastoji iz **rodnog plemstva**, u koje direktnom (muškom) linijom ulaze pripadnici najstarijih bosanskih porodica uvedenih u plemstvo prave Bosne od strane njenog de jure suverena prije 1527, i **ugledničkog plemstva**, u koje uvodi Kruna i to iz reda uglednih građana iz prethodnog stava, i u drugim slučajevima na diskreciju suverena. Ugledničke plemiće može predlagati i Vojvoda Kneževine između najuglednijih građana njegove Kneževine. **Plemićki status** je nasljedni za rodno plemstvo, a doživotni za ugledničko plemstvo. Plemstvo se dijeli i staleški, na **više i niže plemstvo**, što se odnosi i na rodne i na ugledničke plemiće. Stalež određuje obim **plemičkog prava**, koje za rodno plemstvo čine plemićke nekretnine (posjed), status i titule, a za ugledničko plemstvo status i titule.

## Član 29.

Kruna državljanima Kraljevine priznaje, kao *Ultra Vires* pravo, njihovo rodno plemstvo u koje je njihov direktan predek prvouvlašten na teritoriji prave Bosne. Kruna stoga priznaje i da je rodno pravo od 1527. i poslije dodjeljivano prvenstveno za zaštitu interesa zajednice kao takve, ali i za odanost uzurpatorima suvereniteta prave Bosne pa stoga od ukupnog broja rodnih plemića u Kneževini, u svakom datom trenutku njih najviše jedna polovina smiju biti direktno iz porodica prvouvlaštenih u plemstvo 1527. i poslije, i koji pristaju svoju titulu zamijeniti odgovarajućom titulom istog ranga od prije 1527. propisanom Zakonom o plemstvu.

Novopravouvlašteni rodni plemić može postati samo lice koje je i rođeno u pravoj Bosni i u njoj stalno nastanjeno u trenutku podnošenja zahtjeva za novouvođenje u rodno pravo. U rodno plemićko pravo može se uvesti samo najstariji muški potomak po direktnoj liniji koji je živ u trenutku uvođenja, i koji sam to želi, i čiji znatan dio šire porodice boravi na teritoriji prave Bosne u kontinuitetu od trenutka plemićkog prvouvlaštenja njihovog pretka, ili su od tada napustili teritorij prave Bosne pod prisilom ili pod prijetnjom prisile i od tada se razumno većim dijelom vratili u pravu Bosnu i većina ih imaju i državljanstvo Kraljevine i boravište u njoj u trenutku podnošenja zahtjeva za novo prvouvlaštenje. Ako porodica rodnog plemstva nema preostalih članova po direktnoj liniji smatraće se da je ta loza ugašena a njihovo plemićko pravo prestalo, a ako ima samo ženske žive članove po direktnoj liniji prvi muški takav član te porodice koji se rodi nakon proglašenja ovog Akta sa svojim punoljetstvom može biti novopravouvlašteni za svoju porodicu. Nasljeđivanje prava po smrti novopravouvlaštenog plemića vrši se po principu direktne nasljedne linije, i prema odredbama Zakona o plemstvu.

U izuzetnim slučajevima i ne više od jednom u dvije godine, suveren može na svoju diskreciju dodijeliti nasljedni plemićki status i onom ugledničkom plemiću čije je plemstvo dokazanog patriotizma i neupitnog ugleda, ili direktnom najstarijem živom potomku domaće osobe koja je bila izuzetno zaslužna za zaštitu interesâ prave Bosne odnosno Kraljevine. U vrijeme proglašenog vanrednog stanja nema takvog vremenskog ograničenja.

Krajnji rok za podnošenje zahtjeva i prijedloga za uvođenje u rodno plemstvo ponavlja se ciklički po isteku svake 3 (tri) godine od dana donošenja ovog Akta, u kojim vremenskim intervalima suveren i uvodi rodne plemiće u njihovo plemićko pravo. Rodno plemićko pravo od prije 1527. je starije od rodnog plemićkog prava iz 1527. i poslije, pa ako se usljed sukoba pravâ proisteklog iz ovog razloga posjed po potonjem pravu ne može restituisati, takvom nosiocu će se iz zemljišne mase Krune dodijeliti posjed iste vrijednosti i to isključivo u skladu sa savremenim katastarskim standardima i metodama. Ugledničko pravo porodica čiji je direktni predek bio značajno zaslužan za zaštitu interesâ prave Bosne je starije od takvog prava drugih porodica.

## Član 30.

Plemić svojim ugledom, ponašanjem i djelovanjem mora biti za primjer, i ne smije ugroziti interese Krune. Ugledničkog plemića koji uvijek i u svakoj prilici ne održava svoju poziciju uglednika, može suveren na vlastitu diskreciju izvesti iz plemstva. Rodni plemić može biti izvlašten iz plemstva za veleizdaju po pravosnažnoj presudi, ili posebnom odlukom Krunskog Vijeća, ili na diskreciju suverena za vrijeme proglašenog vanrednog stanja.



## Član 31.

Zemljišna masa i načini za uvođenje rodnog plemstva u njihove posjede utvrdiće se posebnim Zakonom o restituciji, za koji polaznu osnovu čini godina 1527, a zemljišnu masu cjelokupna teritorija Kraljevine izuzev akvatorije koja je uvijek u vlasništvu Krune. Plemić raspolaže imovinom u koju je plemićki uveden na isti način kao da je njegova vlastita, i gdje je za svaku transakciju plemićke nekretnine (posjeda) neophodna saglasnost Krune. Dopuštena je kupoprodaja najviše 1% ukupne plemićke zemljišne mase godišnje i prodaja najviše 5% lične plemićke zemljišne mase godišnje. Zahtjev za saglasnost na kupoprodaju iz ovog stava dostavlja se za narednu kalendarsku godinu, a prioritet za saglasnost ima višestaleško plemstvo. Kraljevski Katastar vodi posebnu Evidenciju o plemićkim pravima i obavezama. O restituciji za članove Kraljevske Porodice odlučuje suveren.

Ostala pitanja plemstva i pojedine titule utvrdiće se posebnim Zakonom o plemstvu, a neke od titula su: Vitez, Grof, Vojvoda (Knez) i Nadvojvoda pri čemu se Vitez dodjeljuje za zasluge u očuvanju suvereniteta i spašavanje velikog broja života i znatne ili značajne imovine. Kraljevina ima 12 vitezova. Plemstvo ima i dodatnu titulu "pl." u značenju plemeniti/a, a koja se umeće između imena i prezimena nižeg plemića, odnosno novopravuovlaštenog višeg plemića i članova uže porodice takvog plemića: oba roditelja, zakonitog suprurnika ako je i roditelj zajedničkom potomstvu, kao i sveg potomstva. Sve titule mogu biti prikazane na ličnim dokumentima nosioca titula.

## Član 32.

Sudska vlast pravnog poretka Kraljevine sastoji se hijerarhijski iz **Vrhovnog, Kneževinskih i Opštinskih** sudova. Osniva se **Vrhovni Sud Kraljevine Bosne**, koji preuzima kapacitete ovdje ukinutog Ustavnog suda "D-e BiH" i ovdje raspuštenog Suda "D-e BiH", i čijim sudijama mandat ovim prestaje. Osniva se **Krunsko Tužilaštvo**, koje preuzima kapacitete dosadašnjeg Tužilaštva "D-e BiH" koje se ovdje raspušta iz istog razloga (nepostojanja pravnog osnova) kao i Sud "D-e BiH".

Vrhovni Sud ima 12 sudija, koje na usaglašeni prijedlog Parlamenta i Vlade imenuje suveren, i koji sve odluke donose u punom sastavu uz odsustvovanje najviše troje sudija. Za sudiju Vrhovnog Suda predlaže se lice koje ispunjava dodatne kriterije: najvišeg pravnčkog znanja, ugleda, građanske lojalnosti, i najmanje 15 godina radnog iskustva u struci. Imenovanja za sudiju Vrhovnog Suda su doživotna i mogu se povući samo pod izuzetnim okolnostima, kao što su bolest, teška povreda zakona, ili na vlastiti zahtjev sudije. Prilikom imenovanja, sudija Vrhovnog Suda doživotno stiče i najviši rang nižeg ugledničkog plemstva s obavezom plemićkog tituliranja. Sudija Vrhovnog Suda koji je razriješen radi teške povrede zakona gubi i sva svoja uglednička plemićka prava. Odluke Vrhovnog suda su konačne i obavezujuće za sve osim za suverena, kao i u slučajevima gdje je to drugačije određeno ovim Aktom.

Predsjednika Vrhovnog Suda biraju sudije Vrhovnog Suda samostalno i na mandat od pet godina bez prava reizbora. Predsjednike Kneževinskih i Opštinskih sudova imenuje suveren Kraljevine na prijedlog Parlamenta, i to na mandat od pet godina bez ograničenja u broju mandatâ. Odluku o odbijanju prijedloga o imenovanju predsjednika suda suveren Kraljevine nije dužan obrazložiti. Predsjednik nižeg suda koji se dugo nalazi na toj poziciji i na istoj je stekao izuzetan ugled, može biti uveden u niže plemstvo. Sudije nižih sudova biraju se javnim konkursom. Zabranjuje se uposlenicima u pravosuđu usvajanje znanja od predavača koji nemaju državljanstvo Kraljevine. Sudstvo se uređuje Zakonom o pravosuđu.

Pravni poredak Kraljevine ne poznaje pravnu kategoriju imuniteta od bilo koje odgovornosti, osim za suverena Kraljevine i za lica koja djeluju po nalogu suverena ili na spašavanju životâ suverena i članova Kraljevske Porodice.

## Član 33.

Preuzima se cjelokupan sastav Oružanih snaga "D BiH", uključujući bezbjednosne te srodne kapacitete i strukture policije, i s tim u vezi sve navedene subjekte organizaciono-funkcijski objedinjuje u jedinstvenu cjelinu komandno odgovornu isključivo suverenu Kraljevine i dijelom prenešenih podovlasti **Centru za Nacionalnu Sigurnost** koji formira Kruna posebnim aktom.

**Oružane Snage Kraljevine** (u daljem tekstu: OSK) sastoje se iz **Kraljevske Armije, Kraljevske Marinerije, Kraljevske Avijacije, Kraljevske Policije i Snaga podrške OSK**. Na čelu operacija OSK je Načelnik OSK, kog imenuje suveren. U odsustvu suverena, Načelnik

komanduje Vrhovnom Komandom (u daljem tekstu: VKOSK), u koju ulaze i Ministri odbrane odnosno unutrašnjih poslova Kraljevine. OSK su organizovane u deset **Vojnih Oblasti** čije su granice nestalne i ne smiju se značajno podudarati sa granicama Kneževina i nisu svojim zonama projektovanih dejstava ograničene granicom Kraljevine. Organizacija, struktura, činovi, zvanja i ostala pitanja u vezi s ustrojem OSK utvrdiće se posebnim Zakonom o Oružanim Snagama, a najdalje godinu dana od dana donošenja ovog Akta.

Uvodi se obaveza besplatne neplaćene osnovne vojne obuke u trajanju od 2 (dva) puta po 1 (jedan) mjesec za sve punoljetne državljane u periodima koje sami odaberu između napunjenih 17-27 (sedamnaest i dvadeset sedam) godina starosti, ili u periodima najbližim odabranim.

#### Član 34.

Određuje se prag za registraciju političke partije na 100.000 sakupljenih potpisa. Zabranjuje se političko organizovanje i udruživanje na principima ekstremizma, kao i svako tajno organizovanje i udruživanje, i ona će se *Ultra Vires* smatrati veleizdajničkim. Zabranjuju se zajednička pojavljivanja u javnosti članova rukovodstava političkih partija i javnih ličnosti. Suveren može na svoju diskreciju zabraniti rad političkoj partiji koja u znatnoj mjeri ne ispunjava predizborna obećanja.

### III. UPRAVA

#### Član 35.

Stavljaju se van snage odluke Visokog predstavnika kao predstavnika uzurpatorâ de jure suvereniteta prave Bosne, koje su u sukobu sa aktima suverena Kraljevine ili koje zadiru u nadležnosti suverena Kraljevine.

#### Član 36.

Tačan teritorijalni obuhvat Kneževina utvrdiće se naknadno, i to tako da pojedina Kneževina svojim oblikom čini kompaktnu ekonomsko-funkcionalnu cjelinu. Tačan obuhvat ne smije odstupati po površini više od  $\pm 5\%$  od obuhvata na približnoj privremenoj karti u prilogu, gdje pojedina Kneževina ne smije zahvatiti više od 20% ukupne zemljišne mase Kraljevine ne uključujući akvatoriju Kraljevine.

#### Član 37.

Uposlenici subjekata Krune zajednički čine **Administraciju Krune**. Za rad u Administraciji ne polaže se poseban ispit, osim u pravosuđu. Dodatni kriterij za upošljavanje na odgovorna mjesta u Administraciji jest ukupan prosjek studija od najmanje 8 (ili ekvivalent). Pitanja državne administracije riješiće se posebnim Zakonom o Administraciji. Obavljanje stručne ili profesionalne djelatnosti u Kraljevini koje podrazumijeva odgovornost se licencira. Za licenciranje je zadužena **Služba za Licenciranje** koja se osniva zakonom kojim se regulira i ovu oblast.

#### Član 38.

Prvi Kralj ili Kraljica restaurirane Kraljevine Bosne izabraće se aklamacijom (jednoglasno) na prvoj zajedničkoj sjednici prvog saziva Parlamenta Kraljevine Bosne, a na prijedlog **Vijeća Kraljevske Porodice**. Činom aklamacije smatraće se da je Kralj ili Kraljica stupio na dužnost i da je **proglašena Kraljevina Bosna**. Sa stupanjem na dužnost, Kralj ili Kraljica preuzima suverenitet nad Kraljevinom, u potpunosti i bez odlaganja ili ograničenja osim onako kako je propisano ovim Aktom.

#### Član 39.

Vijeće Kraljevske Porodice sačinjavaju svi muški članovi prečasne Bosanske Kraljevske Porodice koji u trenutku donošenja ovog Akta imaju navršenih 50 godina života, rođeni su u pravoj Bosni, u njoj imaju stalni boravak unazad 20 godina, univerzitetski su obrazovani, i dobrovoljno prisustvuju izbornoj sjednici Vijeća. Vijeće svoj prijedlog o izboru prvog Kralja ili Kraljice donosi aklamacijom (jednoglasno) između kandidata koji lično ponude kandidaturu.

U skladu s odredbama međunarodnog prava i običaja, kandidat za Kralja agnatičke monarhije koja se restaurira rojalistički jest ravnopravno svaki punoljetni muški član Kraljevske Porodice koji je rođen u pravoj Bosni, njen je državljan i u njoj ima boravište. Po isteku razumnog roka

za novo prvouvlaštenje suverena, tj. od dana donošenja Akta o povratu prava pa do dana donošenja ovog Akta, smatra se da pravo prvenstva pripada novopravouvlaštenom suverenu. Kandidat učestvuje u glasanju i automatski je član Vijeća Kraljevske Porodice bez obzira ispunjava li navedene uslove. Vijeće za Kralja predlaže razumno najprikladnijeg među svim kandidatima. Ako nije moguće donijeti odluku ili okupiti Vijeće, novouvlašteni suveren postaje Kralj po automatizmu. Vijeće svoju izbornu sjednicu održava najkasnije godinu dana od dana donošenja ovog Akta. Za svoj rad članovi Vijeća ne primaju novčanu naknadu.

#### Član 40.

U slučaju smrti suverena, pravo na suverenitet nasljeđuje njegovo ili njeno zakonito muško potomstvo po redu starosti od najstarijeg ka najmlađem. Ako suveren u trenutku smrti nije imao ili imala muškog potomstva, pravo nasljeđuje njegovo ili njeno zakonito žensko potomstvo po istom redu. Ako nije bilo nasljednikâ, pravo prelazi na takvo potomstvo zakonite braće suverena i po istom redu braće i po istom redu muškog potomstva braće, a ako braća nemaju muškog onda pravo prelazi na takvo žensko potomstvo braće i po istom redu kćeri braće. Ako suveren u trenutku smrti nije imao ni takve nasljednike, pravo prelazi na braću suverena i to od mlađeg ka najmlađem, a ako nema ni takvih nasljednika, na direktne potomke od očeve braće i po istom principu, a ako nema ni takvih nasljednika, unazad preko umrlih predaka sve dok se tako ne dođe do živog potomka po direktnoj nasljednoj liniji. Suverena kraljica se postaje nasljeđivanjem prava na suverenitet s muškog pretka na njegovo ili na potomstvo njegove braće, a kralj i tako i s potomstva na potomstvo. Suverenu kraljicu ne može naslijediti ni njen ni bilo čiji drugi ženski potomak u srodstvu sa njom. U slučaju smrti novopravouvlaštenog suverena (još i: **novopravouvlaštenik**), nasljednik suvereniteta se titulira samo kao **novodrugouvlaštenik** itd., a te titule s pravima prestaju proglašenjem Kraljevine. Nosilac takve titule je suveren ali drugouvlaštenik itd. ne može amendirati ili dopuniti ovaj Akt.

Rođeni zakoniti sinovi suverena se tituliraju **Princ**, a sve rođene zakonite kćeri **Princeza**. Kad je nasljednik suvereniteta u trenutku uvlaštenja maloljetan, njegovo uvlaštenje će se odložiti do prvog dana punoljetstva, do kada će u njegovo ime suverenitetom raspolagati njegov otac, a ako otac nije živ ili ne želi to, očeva zakonita braća po starosnom prioritetu od starijeg ka mlađem i koji to želi i uz saglasnost većine okupljenog Vijeća Kraljevske Porodice, ili ako to nije moguće, član Kraljevske Porodice kog privremeno odredi Vijeće i prihvati Parlament.

#### Član 41.

Za izuzetne zasluge u očuvanju suvereniteta ili u jačanju Kraljevine, Kruna pojedincima i institucijama dodjeljuje **časti**: odlikovanja, zaslužne titule i priznanja. Odlikovanje i zaslužna titula može biti od 1.-3. reda, gdje je 1. red za najviše zasluge. Odlikovanja i zaslužne titule mogu se dodijeliti uz nagradu, kao i posthumno. Ova oblast urediće se bliže posebnim zakonom. Ukazana čast je osnov za ostvarivanje dodatnih prava, koja ne mogu biti nasljedna.

#### Član 42.

Uvodi se u Krivični Zakon kapitalna tj. smrtna kazna. Kapitalna kazna može se izreći samo za veleizdaju i ostala najteža krivična djela i krvne delikte. Samo Kruna ima instrument milosti.

#### Član 43.

Svako postupanje ili nepostupanje koje za rezultat ima slabljenje ili umanjenje ili prestanak suvereniteta Krune, smatraće se činom veleizdaje. Veleizdaja je najteže krivično djelo u Kraljevini, i kažnjava se drakonskim kaznama, a može se kazniti i kapitalnom kaznom.

### IV. FUNKCIJE

#### Član 44.

**Organi Kraljevine** (ili skraćeno: **Organi**) su: Krunsko Vijeće, Parlament Kraljevine, Vlada Kraljevine, Kneževinske Skupštine, Vrhovni Sud Kraljevine, Kraljevske Agencije, Kraljevske Službe, Kraljevske Kompanije i druga pravna lica koja oformi Kruna ili njeni Organi.

**Kraljevske Agencije** su: za Primjenjenu Biologiju, za Primjenjenu Fiziku, za Primjenjenu Geologiju, za Primjenjenu Hemiju, i za Primjenjenu Statistiku. Ovdje ukinute Državne agencije "D-e BiH" sa svim svojim kapacitetima prevode se u **Kraljevske Službe** istog naziva i

namjene, osim gdje je drugačije uređeno ovim Aktom. Uvode se Službe: **Kraljevske Pošte, Kraljevske Vode i Kraljevske Željeznice**, i ove Službe preuzimaju odgovarajuće kapacitete.

Za svoj rad uposlenici organâ Krune primaju naknade prema **Skali Radnih i Platnih Klasa** koja će se utvrditi naknadno. Zabranjuje se obavljanje dopunskih djelatnosti uposlenicima na odgovornim funkcijama Krune.

#### Član 45.

Nadležnosti suverena su:

- suverenitet i zaštita integriteta Krune;
- zakonodavstvo i nadzor nad radom Vlade i Parlamenta;
- vanjska politika i geostrategija;
- odbrambeno-sigurnosna politika i strategija;
- monetarna politika i ekonomska strategija;
- zaštitništvo nad naukom i umjetnošću;
- imenovanja, razrješenja, odlikovanja, plemićka tituliranja, i ostala građanska prava;
- kontrola državne administracije;
- kontrola sveg prometa.

#### Član 46.

Nadležnosti i obaveze Parlamenta Kraljevine prenesene sa suverena i njegovom voljom su:

- zaštita suvereniteta Krune i zakonodavstvo, po domovima;
- nadzor nad radom Vlade;
- vanjskotrgovinska, carinska i poreska politika i finansijska strategija;
- raspolaganje krunskom kasom;
- osnivanje i upravljanje zajedničkim dobrima;
- predlaganje imenovanjâ i odlikovanjâ;
- razvojna strategija Kneževina.

#### Član 47.

Nadležnosti i obaveze Vlade Kraljevine prenesene sa suverena i njegovom voljom su:

- zaštita suvereniteta Krune, provođenje zakonâ i donošenje uredbi;
- prikupljanje poreskih sredstava i ostali načini staranja o popunjenosti krunske kase;
- održavanje uslovâ za tehničko utvrđivanje državne granice, i druga pitanja suvereniteta;
- nauka i obrazovanje;
- upravljanje Kraljevskim Agencijama, Kraljevskim Službama i Kraljevskim Kompanijama;
- predlaganje zakonâ, imenovanjâ i odlikovanjâ;
- ostale uobičajene nadležnosti izvršne vlasti koje nisu specificirane ovim Aktom;
- nadzor nad radom Kneževinskih Skupština;
- upravljanje kriznim situacijama.

#### Član 48.

Nadležnosti i obaveze Kneževinskih Skupština prenesene sa suverena i njegovom voljom su:

- zaštita suvereniteta Krune, rad Kneževinskih Organa, i razvojna strategija Kneževine;
- zaštita i mitigacija od elementarnih nepogoda u svojoj ili drugoj Kneževini.

#### Član 49.

Nadležnosti i obaveze Krunskog Vijeća prenesene sa suverena i njegovom voljom su:

- zaštita suvereniteta Krune, predlaganje zakonâ, imenovanjâ i odlikovanjâ;
- organizovanje i nadzor opštih i lokalnih izbora;
- geostrateška i dr. nadsistemska pitanja.

#### Član 50.

Nadležnosti i obaveze Vojvode Kneževine prenesene sa suverena i njegovom voljom su:

- poslovi i zadaci u okviru Krunskog Vijeća, kao i Kneževinskog Vijeća u njegovoj Kneževini;
- neformalno predstavljanje Kneževine.

#### Član 51.

Nadležnosti i obaveze Vrhovnog Suda prenesene sa suverena i njegovom voljom su:

- zaštita suvereniteta Krune, ljudskih prava i sloboda, i pravnog poretka Kraljevine;
- nadzor kod međunarodnih ugovora.

#### Član 52.

Opštine i njihovi Organi preuzimaju nadležnosti i obaveze koje su imali u R-i BiH.

## V. ZAVRŠNE I PRELAZNE ODREDBE

### Član 53.

Kraljevina ima samo de facto Ustav, sastavljen iz niza zakonika koji će se donijeti ubrzano a najdalje u roku od 3 (tri) godine od dana donošenja ovog Akta. U međuvremenu će važiti zakonski akti R-e BiH i njima podređeni akti "D-e BiH", gdje god je to praktično i nije u sukobu sa odredbama akata suverena. Kruna prepoznaje imenicu "Bosna i Hercegovina" kao posljedicu kolonijalnog statusa, pa se istu u svim vrstama upotrebe i pravopisnim oblicima zamjenjuje imenicom Bosna, za iste upotrebe i u istim pravopisnim oblicima, osim gdje je drugačije uređeno aktima suverena.

### Član 54.

Formira se **Prelazna Vlada Kraljevine Bosne**, u najkraćem mogućem roku i gdje će sastav Prelazne Vlade biti naknadno utvrđen i objavljen. Suveren Kraljevine imenuje mandataru Prelazne Vlade kog se titulira sa **Premijer Kraljevine Bosne**, i koji po odobrenju suverena Kraljevine sastavlja Vladu. Prelazna Vlada ima nadležnosti i resore kao i izborna Vlada. Sve postojeće političke partije moraju podnijeti zahtjev za registraciju političke partije najkasnije šest mjeseci od dana donošenja ovog Akta. Zahtjev se podnosi Prelaznoj Vladi Kraljevine.

### Član 55.

Za provođenje ovog Akta zadužuje se Prelazna Vlada Kraljevine, koja će u roku od godinu dana od svog formiranja donijeti odluku o provođenju opštih i lokalnih izbora a najduže tri mjeseca pred održavanje istih. Prelazna Vlada se dodatno zadužuje da do uspostave prve izabrane potvrđene Vlade rukovodi poslovima i zadacima uobičajenim za nadležnosti Vlade.

Izuzimaju se svi kapaciteti Jedinice za osiguranje VIP ličnosti pri dosadašnjoj Državnoj agenciji za istrage i zaštitu, osim kadrova iz člana 21. ovog Akta. Formira se **Kraljevska Garda** koja preuzima te kapacitete Jedinice, i određuje za isključivu zaštitu suverena kao i lica i objekata za koje suveren odredi zaštitu. Kapaciteti Kraljevske Garde mogu rasti prema potrebi. Dosadašnje poslove Jedinice preuzima policija vlastitim kapacitetima.

Svako postupanje ili nepostupanje domaćih lica i subjekata koje za rezultat ima sprečavanje provođenja odredaba ovog Akta, smatraće se, u smislu međunarodnih propisa i standarda i inače, veleizdajom i kao takvo ništavnim. U prelaznom periodu samo odluke prvouvlaštenika itd. kao i Prelazne Vlade imaju i legalitet i legitimitet, osim gdje je drugačije određeno ovim Aktom. Prelazni period završava proglašenjem Kraljevine.

Nepostupanje Vijeća za implementaciju mira po odredbama ovog Akta smatraće se u smislu međunarodnih propisa i standarda aktom agresije i okupacije od strane suverenâ zemalja-članica Vijeća za implementaciju mira.

### Član 56.

Za osiguranje uslovâ za nesmetano provođenje odredaba ovog Akta zadužuje se Vijeće za implementaciju mira kao predstavnik uzurpatorâ de jure suvereniteta prave Bosne u trenutku donošenja ovog Akta, i istovremeno garant stabilnosti u okvirima de facto pravnog poretka "D BiH", a na osnovu obaveza koje su ti suvereni preuzeli u pravoj Bosni. Rok za završetak prenosa suvereniteta ističe sa istekom mandata Prelazne Vlade tj. formiranjem izborne Vlade.

Uvodi se do daljnjeg moratorij na izvoz trupaca i druge sirove građe iz Kraljevine.

### Član 57.

Način pisanja riječi u ovom Aktu ne podliježe pravilima gramatike i pravopisa. U Bosanskom jeziku, kad se koriste ispred vlastitog imena, plemićke titule se pišu malim a kraljevske velikim slovom, a kad su iza imena ili samosatalno, sve plemićke titule se pišu velikim slovom bez izuzetka. **Direktna** nasljedna linija u smislu ovog Akta znači uvijek prvog itd. zakonitog muškog, a ako nema takvog, onda prvog ženskog zakonitog potomka, osim gdje je drugačije određeno. **Kapaciteti** u smislu ovog Akta označavaju kadrove, objekte, materijalno-tehnička i finansijska sredstva kao i sve drugo što je neophodno za normalan rad i odvijanje sistema vlasti, osim gdje je drugačije određeno ovim Aktom. Tijela, organi, strukture, pravna lica i svi ostali elementi sistema odlučivanja čine **subjekte** u smislu ovog Akta, osim gdje je drugačije određeno ovim Aktom. **Suveren** u smislu ovog Akta i gdje nije drugačije naznačeno označava vlastitog suverena prave Bosne a suverenitet njen puni suverenitet. **Prava Bosna** u smislu ovog Akta i do proglašenja Kraljevine Bosne označava pravu Bosnu *terra nullius in de jure*.



PRILOG**Karta teritorijalnog obuhvata Kneževina Kraljevine Bosne**  
(nije za razmjeravanje)Približna tačnost:  $\pm 5\%$  površine Kneževine.

Verzija s nazivima Kneževina: Krajina, Podrinje, Posavina, Semberija, Uskoplje, Vrhbosna i Zahumlje. Sjedišta: Banja Luka, Goražde, Bosanski Brod, Tuzla, Zenica, Sarajevo i Mostar. Lokacije sjedišta označene na karti zasićenim krugom crne boje.